

E circulo economico ta keda draai

Mientras cu siniestro di La Linda ta tristesa pa hopi, e ta crea oportunidad pa otro

Un realidad cu tin cu biba cune



ORANJESTAD – E dicho na Hulandes ‘de ene z’n dood is de ander z’n brood’ ta algo cu hopi ta wordo uza den temponan di calamidad y desaster. Esaki ta loke ta e caso tambe den e caso di siniestro di La Linda dos siman pasa den caya grandi. Mientras cu e doñonan di e edificio ta cu un situacion fastioso cu un lugar kima, tin otro situacionnan cu ta surgi cu pa otro ta beneficioso. Un observacion di parti di analistanan economico. E ehempel di La Linda di con un circulo economico ta drei den un caso asina.

ASPECTO EMOCIONAL

Den e caso di siniestro di La Linda, tin e aspecto di tristesa emocional. Aki ta lamenta e perdida di material, y edificio. Un edificio cu a bira parti di historia comercial di caya grandi y cu hopi no por pensa un caya grandi sin La Linda departamento di damas. Den e caso aki esunnan cu a sufri, ta e doñonan di e lugar, e clientenan y tambe e compania di seguro cu tin cu bai paga basta placa na e doñonan. Placa di seguro cu La Linda tin derecho riba dje. Esaki ta e parti negativo.

PARTI ‘POSITIVO’

Pero hunto ta bin e parti positivo pa otro instancianan. Entre nan, doñonan di e edificio di Bida unda cu awor La Linda ta bai ta situa por lo



pronto. La Linda tin cu paga huur na e doñonan, cu ta un entrada extra pa e doñonan di Bida. E edificionan of parti di nan, tin cu wordo benta abou, cu tin cu tuma lugar door di companianan di construccion. Mes momento tin e compania cu tin cu bai drecha y traha un posibel edificio nobo si esaki ta e decision di e doñonan di La Linda. Tur esaki ta entrada pa e companianan ariba menciona, manera di

construccion, architecto cu tin cu diseña e lugar di nobo, si e ta cambia. E compania di construccion cu tin cu traha e edificio.

REALIDAD DI BIDA

Un bista cu porta no ta esun cu hopi hende kier wak, pero cu de facto ta un realidad di bida, unda cu mientras cu un compania ta haye cu un situacion fastioso, e ta crea un posibilidad economico pa un otro instancia. Y asina e circulo economico ta continua. Ora cu a haci un economista e pregunta di ki efecto e candela aki tin riba comercio, esaki ta un di e analisisnan cu a presenta na Bon Dia Aruba. Algo pa pensa riba dje. No esun di mas acceptable pa esnan cu a sufri, pero un realidad pa esnan cu ta envolvi den tur banda di medaya. Un circulo economico cu ta sigui lora tur dia.

